

TEMATIKUNO RAPORTI

RESPEKTIPE E KUOTAKO VASH LEIPE PE BUTI E SOM
JENENGO KOTAR O KOMUNITETYA ROMA, ASHKALIYE
THAY EJIPTASYA ANO PUBLIKUNE INSTITUCIYE

Yulo, 2019



Dhurata Prokshi

TEMATIKUNO RAPORTI

RESPEKTIPE E KUOTAKO VASH LEIPE PE BUTI E SOM JENENGO KOTAR O KOMUNITETYA ROMA, ASHKALIYE THAY EJIPTASYA ANO PUBLIKUNE INSTITUCIYE

Yulo, 2019

The views expressed in this assessment do not necessarily reflect the views of the Regional Cooperation Council or of its participants, nor of the European Union and the Open Society Foundations."

1	KHUVIPE	4
2	Resipe e studipesko	4
3	Metodologia e rodlaripeski	4
4	Konteksti e inkluziako e komunitetyengo ano kosovaryuno malipe	4
5	Siguripe e hakosko, ascresi thay inkluzia e dizutnengo kotar o komunitetya roma, ashkalie thay ejiptasya ano bukyako trego	6
6	E situacia e leipesko pe buti e dizutnengo roma, ashkaliye thay ejiptasya ano publikuno sektori thay prespektiva kotar o tereni	6
6.1	Mitrovica	9
6.2	Fush Kosova	10
6.3	Ferizayi	11
6.4	Jakova	12
7	Perspektiva kotar o tereni vash inplementipe e kuotako vash leipe pe buti e som jenengo e komunitetyengo roma, ashkaliye thay ejiptasya	13
8	Agoripya thay rekomandipya	18

1 KHUVIPE

O tematikuno raporti "respektive e kuotako vash leipe pe buti e som jenengo kotar o komunitetya roma, ashkaliye thay ejiptasya ano publikune instituciye" evolvingyola ano quadro e proyektesko KOSINT 2020. Akava projekti impletingyola kotar o partneriteti e shtar organizaciengo e civlyune malipesko - Balkan Sunflowers Kosova, Syri i Vizionit, RADC, priavdo kotar o Kosovako Centro vash Edukipe thay dedikodinyola e inkluziako e som jenengo kotar o komunitetya roma, ashkaliye thay ejiptasya ano umal e edukipesko, leipe pe buti thay socialuno prosperiteto. Financirimo kotar Roma Initiatives Office (RIO), ano quadro e Fondaciako vash Putardo Malipe (FPM), o projekti sile resipe laqaripe e ascasesko e komunitetyengo roma, ashkaliye thay ejiptasya ano edukipe, leipe pe buti thay socialuno prosperiteto, deipea kontributi ano pheripya e thagaripyengo e Kosovake Guvernipesko upral o ikuaripya e leipesko koter e organizaciengo e civlyune malipesko ano monitoripe thay sektoriyalune reforme, ano evolviripe e politikyengo thay bujetyuno planifikipe thay ano avokipe.

O tematikuno raporti sile ano poro andripe trin kotora: 1) Thamesko rami kova sigurinla inkluzia e komunitetyengo ano kosovaryuno malipe, 2) Konteksti e inkluziako e komunitetyengo ano kosovaryuno malipe, 3) Perspektiva kotar o tereni vash inkluzia e komunitetyengo ano leipe pe buti-phanglo akale puqipeya amencar ulavde pere dizutne prespektive, aktivistya kotar o civlyuno malipe, istitucionalune thay bizneseske reprezentya, sar o koter 4) Agoripya thay rekomandipya.

2 Resipe e studipesko

Ano quadro e raportesko "Respektive e kuotako vash leipe pe buti e som jenengo kotar o komunitetya roma, ashkaliye thay ejiptasya ano publikune instituciye", realizisalo o studipe vash o genipe e iplmentipesko e kuotako e leipesko pe buti pe minoritarune komunitetya ano than e resipeya kay te variabulingyol olako implemintipe ano leipe pe buti e target grupako e komunitetyengo roma, ashkaliye thay ejiptasya ano centraluno thay lokaluno niveli. O raporti alosargya vash i mostra shtar komune, odola e Mitrovicako, Fush Kosovako, Ferizaesko thay Jakovako.

O evolvirimo rodlaripe sinele resipe kay te anel prespektiva, avazo e komunitetyengo vash olengi situaciya ano olengo leipe pe buti. Yekhatar, o

arakhipya thay o rekomandipya akale raportesko si te resursinen sar avokipski sheya, kharipe vash senzibilizipe e institucionalune akteryengo thay naraipyengo ano lokalune vay centraluno niveli kay te angashingyon ano laqaripe e situaciako vash leipe pe buti e komunitetyengo, sar yekh sasavutno hako e manushesko thay thamesko obligipe vay konstitutivuno.

3 Metodologia e rodlaripeski

Proceski e evolviripeski e rodlaripeski thay draftipe e raportesko sinele ani dispozicia periula e vahteski may-yuno 2019 vash realizipe.

Resipe e rodlaripesko sine ikalipe e kualitativune informaciengo kotar o tereni upral e tema vash leipe pe buti e komunitetengo odolestar ini evolvirisale o kvash strukturime interviste. O interviste evolvirisale e som jenencar akale komunitetyengo, som jene e civlyune sektoresko, ofiserya kotar o Ofisya vash komunitetya thay iranipe, Ofiso vash leipe pe buti, e bizneseski kosovaryuni Aleansa.

O rodlaripe ulo ano shtar komune- Jakova, Mitrovica, Fush Kosova thay Ferizayi, kola silen diferencie ano konteksi e inkluziako e komunitetyengo roma, ashkaliye thay ejiptasya ano kosovaruno malipe.

4 Konteksti e inkluziako e komunitetyengo ano kosovaryuno malipe

Ano resipe e harmonizipesko e lejisliciako thay thaneske politikyengo odola e evropaka vash o manushkikane hakaya thay inkluzia e etnikune marjinalizime grupengo, e Kosova va ayekha kreiringya mekanizmya thay dizayningya dokumentya akale resipesko vash programyuno pasharipe. Evolviripe e yekha ayekha ascasesko, resprezentya e thaneske instituciengo kustikinde kotar e periula e administripesko e thaneski kotar e Yekhperiodikune Administrata e nacionalune Uniako, kola sine thovde baza e respektipesko e kulturune diverzitetesko sar kobaripe/barvalipe ano than. Akale suroa kreirisale instituciye kola manglape sine te lenpe e decisivune thay specifikune temencar, sar si suro e komunitetyencar roma, ashkaliye thay ejiptasya. Moldipya kay te tretiringyon akala komunitetya e

yekha ulavda denda bukya, may hari ano thamesko aspekti, avla kotar olengi nafavoryuno situaciya ano kosovaryuno malipe, saday ini o gendo e som jenengo akale komunitetyengo si uqo. Ano agoruno registripe e populaciako ani Kosova rezultinela kay te oven 1,739,825 beshavne/habitantya, olendar 15,436 ashkalie, 11,524 egjiptasya thay 8,824 roma. O statistike kotar o agoruno registripe e bershesko 2011 ani Kosova na si pherde vash o

sebepi e na lipesko kotor ano registripe e komunengo kote buderune e populaciako sine srbya.

Ani tabela may tele prezentisalo o buhlaripya e komunitetyengo roma, ashkalie thay ejiptasya sar si pe komune:

Komuna	Roma	Ashkalie	Egjiptasya	Sah o sah
Deqana	33	42	393	468
Jakova	738	613	5,117	6,468
Glogovci	0	0	2	2
Jilana	361	15	1	377
Dragashi	3	4	3	10
Istogi	39	111	1,544	1,694
Kaqaniko	5	1	0	6
Klina	78	85	934	1,097
Fush Kosova	436	3,230	282	3,948
Kamenica	240	0	0	240
Mitrovica	528	647	6	1,181
Liplani	342	1,812	4	2,158
Novoberda	63	3	0	66
Obiliqi	661	578	27	1,266
Rahoveci	84	404	299	787
Pekya	993	143	2,700	3,836
Poduyeva	74	680	2	756
Prishtina	56	557	8	621
Prizreno	2,899	1,350	168	4,417
Skenderayi	0	10	1	11
Shtimla	23	750	0	773
Shterpca	24	1	0	25
Suhareka	41	493	5	539
Ferizayi	204	3,629	24	3,857
Vitia	12	14	0	26
Vushtria	68	143	1	212
Malisheva	26	5	0	31
Mamusha	39	12	0	51
Graqanica	745	104	3	852
Kllokoti	9	0	0	9
Sah o sah	8,824	15,436	11,524	35,784

Tabela 1. Som jene komunitetyengo roma, ashkalie thay ejiptasya sar si pe komune ani Kosova¹

¹ Tabela.1 ASKDATA <http://askdata.rks-gov.net/PXWeb/pxweb/sq/askdata/?rxid=0b4e087e-8b00-47ba-b7cf-1ea158040712/>

5 Siguripe e hakosko, ascesi thay inkluzia e dizutnengo kotar o komunitetya roma, ashkalie thay ejiptasya ano bukyako trego

Beraberuno tretiripe thay respektime e hakyengo e savore Kosovaryune dizutnengo bizo etnikuno diference baza sile ano Kosovaki Konstituciya, koya sar may uqo yuridikuno akti e rashtrako regulingya o haky e dizutnengo ano qhalavipe e internacionaluna Konventa e manushikane hakyengo². Upral ayekha yuridikuni formaki baza dizaynisale ini o thamy kola garantinena o haky e savore dizutnengo. Lejislacia thay strategiye kola ani specifikuni forma tretirinena inkluzia e komunitetyengo roma, ashkaliye thay ejiptasya si:

1. Thami Mamuy e Diskriminipesko
2. Thami vash Civilyuno Serviso
3. Strategia vash inkluzia e e komunitetyengo roma, ashkalie thay ejiptasya 2017/2021 thay 2009/2015
4. Stratejikuno Plani e Edukipesko ani Kosova 2017/2021, 2011/2016

Qhinavdipya e thanutne instituciengo kay te keren buti ao promovipe e manushikane hakyengo thay mareba mamuy e diskriminipesko e minoritarune komunitetyengo thay sikavdilo ini e kreiripyencar e makanizmyengo kola umal olenga akciako silen ano centraluno thay lokaluno niveli. O Mekanizmya kolencar sinelen tendencia kay te adresinen o respektime e komunitetyengo hakyengo si:

- 1) Ofiso vash shukar guvernipe (OSHG)**
- 2) Konsultativuno koncilo vash komunitetya**
- 3) Komisia vash o haky thay interesya e komunitetyengo thay iranipe**

- 4) Ofiso vash komunitetyengo puqipe (OKP)**
- 5) Ofiso e Komisionaresko vash o Qhibya**
- 6) Komune**
- 7) Komunalune Ofisya vash komunitetya thay iranipe (KOKI)**
- 8) Komunaluno Komiteti vash komunitetya**

6 E situacia e leipesko pe buti e dizutnengo roma, ashkaliye thay ejiptasya ano publikuno sektori thay prespektiva kotar o tereni

Ministria e Administrataki, sar may uqi institucia e administrataki ano than, ano olako regularuno raporti vash e situacia e bukyarnengi ano centraluno niveli thay odova lokaluno, pasharla regularune statistike kote dikha ini e situaciya vash leipe pe buti e som jenengi e komunitetyengo roma, ashkaliye thay ejiptasya.

Resipea e variabulipesko e implementipesko e kuotako e leipesko pe buti vash komunitetya kotar 10% ano publikuno sektori " *Ano quadro e civilyune servisipesko ano instituciye e centralune nivelesko minimumi 10% e poziciengo manglape te rezervingyon vash o personya kola si kotar o komunitetya kola na si majorancya ani Kosova thay kay pherna o specifikune kriterya vash leipe pe buti. Ano komunaluno nivelo vash o kualifikime som jene e komunitetyengo kola na si buderune ani komuna, si te ovel*

² Konstitucia e Kosovaka Republikaka, kapituli II

rezervimo gendo e bukyake thanengo ano dakordipe e procentualune reprezentipisko e komunitetyengo e potencialuna komunako³ dikhlardi e Thameya 03/L-149 upral o Civilyuno Servisi ani Kosovaki Republika. May tele si te sikava e situaciya e leipeski pe buti vash o komunitetya roma,

ashkaliye thay ejiptasya vash o periodi 2017/2018 ano centraluno niveli thay 2016/2017 thay 2018 vash lokaluno niveli ano komune - Mitrovica, Ferizayi, Fush Kosova thay Jakova. hlipe e bershesko 2018, kotar o 56 institucie e centraune nivelseko kola sine genena **30,635** kola kerna buti ano publikune sarvisya, kotar akava gendo numay 113 olendar rezultinela kay si som jene e komunitetyengo roma, ashkaliye thay ejiptasya thay odova kay kerna buti numay ano 10 kotar akala instituciye.

Gn.	Institucia	Gn. Sahastardo e bukyarnengo	Ashkalie	Egjiptasya	Roma
1.	Ministria e Ambieneski thay Buhlethanesko Planifikipe	525		1	
2.	E Sastipeski Ministria	7723	3	12	19
3.	Ministria e Bukyaki thay Socialuno Prosperiteti	771			1
4.	Ministria e Edukipeski , Shkencia thay Tehnolojia	1496		1	3
5.	Ministria e Financiengi	1064			1
6.	Ministria e Yurdikaki	1862	1		9
7	Ministria e Androne Bukyengi	1894		1	3
8.	E Kosovaki Policia	8680	19	8	16
9.	E Kosovaki Dogana/Samatreda	583	2	3	3
10.	E Kosovako Daviutno Koncili	1097	1	2	2

Tabela 2. Situaciya e leipesko pe buti e komunitetyengo ano centraluno nivelo vash o bersh 2018⁴

³ THAMI GN. 03/L-149 VASH CIVILYUNO SERVISIPE E KOSOVAKA REPUBLIKAKA <https://gzk.rks-gov.net/ActDocumentDetail.aspx?ActID=2679>

⁴Tabela 2. Raporti Situaciya e liepesko pe buti e komunitetyengo ano centraluno niveli vash o bersh 2018 e Ministriako e Publikuna Administratako <https://map.rks-gov.net/page.aspx?id=1,49>

Numay te sine kay dikha e situaciye e leipesko pe buti e komunitetyengo ano bersh 2017 shay te lah kan kay e diferenca si simbolikuni e yekhe loke pozitivune trendeya ano bersh 2018 ano leipe kan e vazdipesko e gendosko e bukyarnengo kotar o som jene e komunitetyengo. Mamuy e buhlipaske thanesko kola kreirisale e politikune partiengo kotar o some jene e komunitetyengo kay te oven kotor e lokalune aktualune guvernipesko,

leipea shov pozicie vash o yeveruneministrya, ayekh yekh formako politikuno hadimi/bajako na phiravdilo e phravepeya e prespektivako e leipesko pe buti ano publikuno sektori sakana kay shay konkludina kotar o gendo e jenengo kola leile pe buti ano institucie thay agencie ano centraluno niveli.

Gn.	Institucia	Gn. Sahastardo e bukyarnengo	Ashkalie	Egjiptasya	Roma
1.	E Sastipeski Ministria	7695	3	11	15
2.	Ministria e Bukyaki thay Socialuno Prosperiteti	775		1	
3.	Ministria e Administratako thay dhe Lokaluno Guvermenti	260		1	
4.	Ministria e Edukipeski , Shkencia thay Tehnologia	1032			3
5.	Ministria e Financiengi	1031			1
6.	Ministria e Yuridikaki	1850	1		9
7	Ministria e Androne Bukyengi	1894		1	3
8.	E Kosovaki Policia	8743	19	8	16
9.	Populaciako Avokati	48	1		
10.	E Kosovako Daviutno Koncili	1574	2		7
11.	Yuridikuno ashutpe bizo pokipe	26		1	
12	Kosovaryuni Agencia vash leipe pe buti	198			1

Tabela 3. Situaciya e leipesko pe buti e komunitetyengo ano centraluno nivelo vash o bersh 2017⁵

⁵Tabela 3. Situaciya e leipesko pe buti e komunitetyengo ano centraluno nivelo vash o bersh 2017 <https://map.rks-gov.net/page.aspx?id=1,49>

Ji kay ano komune kola amen targetingyam vash variabilipe e implementipesko e kuotako vash inklizia e komunitetyengo roma, ashkaliye thay ejiptasya vash o periodi 2016/2017/2018, dikha kay e situaciya vash leipe pe buti e komunitetyengo na sinele yaveripe, kova shay te konsideringyol sar negativuno trendo. Kotar o alosarde komune Jakova, Ferizayi , Fush Kosova thay Mitrovica,

akava agor rezultinla te ovelola may phari situaciya te na ovipeya ani buti niyekh som jeno e komunitetyengo ano publikuno servisi. O temelarune mothavipya reflektinena e situaciya vash leipe pe buti ani administrata e komunaki, edukipe thay sastipe sar ini trin sektorya kola ano publikuno servisi ano lokaluno niveli silen may baro gendo e bukyarnengo.

6.1 Mitrovica

Sar si pe agoruno registripe e populaciako, ani Mitrovicaki komuna jivdinena 71,909 habitantya , kote olendar si 528 (0.73%) roma, 647 (0.90%) ashkalie thay 6 (0.01%) egjiptasya. Akala komunitetya centralipeya jivdinena ano urbanyune zone e dizake . O ashkalyuno komuniteti si koncentrimo may buderi ani mahala "2 Korriku", saday o roma ani mahala "Adem Voca"⁶.

Sar kay shay dikhlola ini kotar o ofisiyalune statistike upral o leipe pe buti e som jenengo akale duye komunitetyengo ano publikuno sektori, olengi inkluzia ano Mitrovicake instituciye si zero. O fakti e tasako ano akava aspekti si kay akala komunitetya palo bersh 2016, e suroa e mekipesko e bukyake thanesko ano Ofiso vash komunitetya thay iranipe kotar e rig e som jenengo e romane komunitetesko, leipe pe buti ano olesko than ulo kotar o yaver minoritaruno komuniteti sheya so angya pharipe reprezentipe akale komunitetyengo ano lokalune instituciye.

Faktorya e ayekha yekha situaciako akale duye komunitetyengo ani Mitrovicaki komuna iklona te oven: Doshalo organizipe e komunitetyengo, nasipe e reprezentipesko thay olenga inkluziako odoya politikune ano lokalune strukture e guvernipeske, nasipe e jikantune mangipesko/khefesko odova politikuno kova kreirinla buhlipesko than vash leipe pe buti e som jenengo akale komunitetyengo, nasipe e intrenacionaluna presiako vash inkluzia akale komunitetyengo ano leipe pe buti. Kotar e rig e thanutne publikune instituciengo , ano deipe e puqipesko upral o leipe pe buti akale komunitetyengo ano instituciye, sine o sahasardo jevapi kay o som jene akale komunitetyengo na si skoluime vay na silen adekvatyuno kualfikipe, akaya situaciya koya ano agorune bersha yaverisali, e sebepeya e ashutipesko e bursyencar kotar e rig e organizaciengo thay fondaciengo kola silen fokusi buti e komunitetyncar.

Bersh	Administrata			Edukipe		Sastipe	
	Sah o sah	A	R	Sah o sah	Komunitetya	Sah o sah	Komunitetya
2018	298	0	0	1225	0	271	0
2017	349	0	0	1216	0	256	0
2016	366	1	1	1216	0	280	0

Tabela. 4. Situaciya e leipesko pe buti e komunitetyengo ani Mitrovicaki komuna

⁶Registripe e populaciako ani Kosova 2011

6.2 Fush Kosova

Sar si pe agoruno registripe e populaciako, ani Komuna e Fush Kosovaki jivdinena 34,827 habitantya , kote olendar 436 (1.25%) si roma, 3,230 (9.27%) ashkalie, thay 282 (0.81%)ejiptasya.⁸ Kotar o sah trin komunitetya , o komuniteti ashkaliya si buderune.Niveli e bizi bukyako ano mashkar akale komunitetyengo akala komunako si shukar uqo. Sebepeya kola kontribuninena ano uqo niveli e bizo bukyako e komunitetyengo roma, ashkaliye thay ejiptasya si univerzitaruno kualifikipe, kola sikavna sar kriteri vash khuvipe pe buti ano publikuno sektori. Yekh yaver sebepi

kova kotribuingya e tikne gendosko e jenengo kola si pe buti kotar akava komuniteti ano publikuno sektori si na inplemntipe e kuotako ani proporcialuni forma ano raporti e gendoa kola si ani buti kotar yaver minoritarune komunitetya ani akaya komuna. Dizaynipe thay aprovipe e Akciyune Lokalune Planesko vash inkluzia e komunitetyengo 2018-2021, na sinele efekti ano promovipe e leipesko pe buti e komunitetyengo ani akaya komuna

Bersh	Administrata				Edukipe				Sastipe			
	Sah o sah	A	E	R	Sah o sah	A	E	R	Sah o sah	A	E	R
2018	116	1	1	0	468	0	0	2	105	0	1	0
2017	115	0	1	1	468	0	0	2	105	0	1	0
2016	145	3	0	2	447	0	0	2	104	1	0	0

Tabela 5. Situaciya e leipesko pe buti e komunitetyengo ani Fush Kosovaki komuna⁷

⁷Tabela 5. Situaciya e leipesko pe buti e komunitetyengo ani Fush Kosovaki komuna <https://map.rks-gov.net/page.aspx?id=1,49>

⁸Registripe e populaciako ani Kosova 2011

6.3 Ferizayi

Sar si pe agoruno registripe e populaciako, ani Komuna e Ferizaeski jivdinena 108,610 habitantya , kote olendar 204 (0.19%) si roma, 3,629 (3.34%)ashkalie, thay 24 (0.02%)ejiptasya . Kotar o sah trin komunitetya , o komuniteti ashkaliya si buderune ⁹ Som jene e komunitetyengo roma, ashkaliye thay ejiptasya ani akaya komuna beshna centralipeya ani urbanyuni zona thay trin gava (Dubrava, Zaskok, Koshare).

E Ferizayeski Komuna sila may baro gendo e ofiseryengo ano Ofiso vash komunitetya ano than, ini kay mamuy e faktesko kay akaya komuna aprovingya o Plani dizaynimo stratejikuno vash inkluzie e komunitetyengo roma, ashkaliye thay ejiptasya ano umal e leipesko pe buti thay socialuno prosperiteto si phare te phengyol kay akaya Komuna dedikodinla ani piri buti vash inplemntipe akala politikako. Yekh anglipe akala Komunako ano raporti e yevere komunencar shay te variabulingyol leipe pe buti e som jenengo akale komunitetyengo e kontarta pederi akciya, praktika koya sikavgyola na sakoya ver sar praktika ano yavera komuna kote jivdinela baro gendo e komunitetyengo.

Bresh	Administrata				Edukiye				Sastipe			
	Sah o sah	A	E	R	Sah o sah	A	E	R	Sah o sah	A	E	R
2018	300	6	1	0	1747	5	1		308	0		2
2017	301	6	0	1	1730	5	1		308	0	1	1
2016	249	9	0	3	1817	5	0	1	308	0	0	2

Tabela 6. Situaciya e leipesko pe buti e komunitetyengo ani Ferizayeski Komuna¹⁰

⁹Registripe e populaciako ani Kosova 2011

¹⁰Tabela 6. Situaciya e leipesko pe buti e komunitetyengo ani Ferizayeski Komuna <https://map.rks-gov.net/page.aspx?id=1,49>

6.4 Jakova

Sar si pe agoruno registripe e populaciako, ani Komuna e Jakovaki jivdinena 94,556 habitantya ,kote olendar 738 (0.78%) si roma, 613 (0.65%) ashkali e thay 5,117 (5.41%) ejiptasya. Kotar o sah trin komunitetya , o komuniteti ejiptasya si buderune.¹² Odova so yaverina e Jakovaki komuna, respektivitetya pozita akale komunitetyengi ani komuna si baro reprezentipe thay may shukarno organizipe e civilyune malipesko, mediengo thay Ofiso vash komunitetya thay iranipe koya kerla ani konsistentyuni forma, profesionaluno thay putardi vash savore institucionalune akterya – lokalune vay centralune , sheya koya angya mol e prosperitetesko e komunitetyengo ani akaya komuna.

Ano sasavipe, ini akaya komuna sila pere sfide ano integripe e habitantyengo e mahalengo ani

periferia e dizako, kote ovela sakoya ver iranipe e emigrantyengo ani Evropa thay odolengo ano Monte Negro, e soy olengo moldipe e integripesko si ververune naturengo sherdipea e dokumantacia, saslaripe, nasipe e penjaripesko e qhibyako, nasipe e skoluipesko, thyv. E Jakovaki Komuna sila dizaynimi thay aprovimi e politike kola dela prespektiva inkluziake e komunitetyengo roma, ashkaliye thay ejiptasy ano kosovaryuno malipe. Inplementipe akale lokalune politikyengo reslola te ovel vash i baht e theripesko pere bujetesko kotar o Ofiso vash komunitetya thay iranipe, ledeipe e yavere komunake sektoryencar thay donatoryenge organizaciengo.

Bersh	Administrata				Edukipe				Sastipe			
	Sah o sah	A	E	R	Sah o sah	A	E	R	Sah o sah	A	E	R
2018	213		5	0	1051	8	11	7	347	0	0	0
2017	213	0	5	0	1501	8	11	7	347	0	0	0
2016	223	0	5	0	1216	0	0	0	280	0	0	0

Fig. 7. Situaciya e leipesko pe buti e komunitetyengo ani Jakovaki komuna¹¹

¹¹Tabela 7. Situaciya e leipesko pe buti e komunitetyengo ani Jakovaki komuna <https://map.rks-gov.net/page.aspx?id=1,49>

¹²Registripe e populaciako ani Kosova 2011

7 Perspektiva kotar o tereni vash implementipe e kuotako vash leipe pe buti e som jenengo e komunitetyengo roma, ashkaliye thay ejiptasya

Resipea e kreiripesko e yekhe may pherde dikhlaripeko e implementipesko e kuotako vash leipe pe buti e situaciyako vash leipe pe buti e komunitetyengo ano alosarde komune, realizale horyune interviste e instituciyege reprezentyencar, e organizaciengo e civilyune malipesko kola lenape e puqipeyancar e komunitetyencar, aktivistya thay dizutne kola ulavde pere godinipya pederu o anglodende puqipyu.

- 1) Kobar si mahatni e kuota e leipeski pe buti vash khuviye pe buti o komunitetya, e ulavde ascenteya odolengo roma, ashkaliye thay ejiptasya?

E kuota e leipesko pe buti vash komunitetya ano civilyuno servisi ano lokaluno niveli vay centraluno e thanesko variabulinde uqe o savore intervistme jene, kote konsiderisalo sar shaibe e thovipesko e balansesko e leipesko pe buti e komunitetyengo ano raporti e yavere dizutnencar. **"E kuota si but mahatni vash o komunitetya vash o sebepi kay silen but pharipe te khuyen pe buti"**mothavla yekh intervistyuno jeno, numay o intervistyune jene vakerna ini vash i presketiva ini o qhelalevastipe e kuotako kotar o yavera komunitetya sar elementi kova thuyvarla o mahatniye akala kuotako. **"Me sima khefi kay e kuota te vastingyol kotar o komuniteti thay na te vastingyol kotar day yekh yaver komuniteti, sar ulo thay sar ini akana**

ovela". Yaver problematika koya si, sikavgyola ini ano akava rodlaripe, kana thovdilo puqipe vash mahatniye e egzistipesko e kuotako, potencirisalo na propocionaluno vastipe e yavere komunitetyencar, sar mothavgya ini yekh amaro intervistimo jeno ano rodlaripe, **"E kuota si but mahatni numay but phardi e srbyune komunitetya. O politikune partiye manglape te avokinen kay te implementingyol e kuota vash leipe pe buti e komunitetyengo roma, ashkaliye thay ejiptasya"**. Yekh ayekha formako prastav sikavla politikuno zoralipe kay o specifikune minoritarune komunitetya silen ani Kosova, sheya koya efektinla ini ano prioritetya e rodларыyengo thay olenge moldipyengo ano raporti e yavere komunitetyencar ano than.

- 2) Kobar implementingyola e kuota vash leipe pe buti e komunitetyengo ano publikune instituciye ani tiri komuna?

O intervistime jene sikavna na qalaripe e jikanutne implmentipea e kuotako, potenciripeya kay oya nisar na implementingyola vay inplementingyola ani simbolikuni forma. **"Ano lokaluno niveli na si politikuno isteko vash leipe pe buti akale komunitetyengo,"O konkursya si montirime,** "vakerla yekh e intervistimo jeno. Odova so sikavava pashargyola kotar o lokalune instituciye sar informacia kana rapotingyola vash o gendo e bukuyarnengo si pharekeripyu e politikune poziciengo odolencar e civilyune servitanyencar. Te sine kay dikha pashipestar buhlaripe e leipe pe buti e som jenengo e komunitetyengo ano komunako niveli, ano suro te sine kay odova leipe pe buti egzistinla, si te arakha kay kerna buti ano Ofiso vash komunitetya thay iranipe, saday na ini ano yavera direktoriyatya andar e komuna vay avri olatar, ano edukipe, saslaripe vay ano day yekh yaver publikuno sektori.

- 3) Kote si o suksesti thay o sfiide ano implementipe e kuotako?

Sukesi thay sfida ano inplementipe e kuotako vash leipe pe buti vash o som jene e komunitetyengo roma, ashkaliye thay ejiptasya, si ver verune prespektive,umlavipea te sine kay olake inplementipesko shuna te vakeren o ofiserya kotar o instituciye vay civilyuno sektori.Ekzistipe e ayekha thameska formaka proviziako vash shaibe e promovipesko e hakosko vash leipe pe buti e minoritarune komunitetyengo ano than dikhlola sar naktari vash vazdipe e prosperitetesko e komunitetyengo. Sfidea ano olako inplementipe, o intervistime jene phangle e skolupea, kote simen prastavya kay akava problemi giriqisalo ispatipeya e faktesko kay si **" Pederose 300 diplomirime kotar o komunitetya roma, ashkaliye thay ejiptasya. O balansime na referingyola numay ini nashti ovla sebepi ano nasipe e skoluipesko akana"**, thay eksperientia kotar o janglarde konkursya **" But ver kana o individy kotar akala komunitetya aplikinde ano bukyake thana ano publikuno sektori, ini kay sine sar manglo kuadro thay profesionalune ano rodime profesije, pale bizo rezultati thay pale o lokalune instituciye agazinenamen vash nasipe e kuadrongo"**, godinipe kay o skolupe si sfida ano inplementipe e kuotako, saday sikavla problemi korkori e situaciya odoya sahasardi e bizobukyaki ano than mothavla yekh e intervistime jenostar vakeripyay kay **"Puqipe e leipesko pe buti si problematikuno vash savore.E ekonomikuni situaciya si doshali, o kualifikipe na adekvatyuno thay nasipe e profesionalizmesko efektinla ano na khuvipe pe buti e komunitetyengo"**.

Politikuno faktori identifikisalo kotar o intervistime akale rodlaripeste sar sfida koya pharekerla inplementipe e kuotako, te sine ni sar sebepi e politikune nahalovipyengo mashkar o trin komunitetya. **" Kuota vash leipe pe buti e ternengo ani Ferzaeski komuna inplemntingyola but hari vash o sebepi kay o politikune partiyee kelena**

olengi rola", mashkar ver verune partiyee andral o yekhuno komuniteti. **"Sfidat ano leipe pe buti si na inplementipe e thamyengo thay politikyengo, ayekha ini khelipe mashkaro duy partie e komunitetyengo"**, vay nasipe e politikune reprezentipesko ano lokalune instituciya sikavipeya kay **" O politikune subyektya e komunitetyenego ani Mitrovica na si aktivune , nasipe e politikune reprezentipesko si baro nasipe"**. Numay yaver sifida vash inplementipe e kuotako vash o komunitetya sikavla nasipe e inkluziako e internacionalune faktoresko ano akava procesi **" Nasipe e presiako kotaro internacionaluno faktori vash inplementipe e politikyengo kola targetinena inkluzia e komunitetyengo reflektinyola"** saday ini o nasipe e inicime iniciativengo kotar o releventyune mehanizmya e politikanyengo kay te rodingyol inplementipe e kuotake vash leipe pe buti, vakeripeya **"Na sine presia/iniciative kay te potenciringyol akava puqipe, ano 3-4 agorune bersha te inicingyol sar puqipe kotar o deputetya, konsultativuno Koncili vash o kounitetya, yaverune,ministrya"**.

- 4) Ano kova publikuno sektori si pe buti may baro gendo kotar o komunitetya ?

Inkluzia e partiyengo kotar o komunitetya ani aktualuni koaliciya e guvenipeski na produktingya rezultatatya ano yaveripe e situaciya vash leipe pe buti e komunitetyengo ano lokaluno niveli. Avriyalipea e nesave kontratyengo upral o resle akciye kotar o som jene akale komunitetyengo ani Ferizaeski komuna.

May baro kendo kola si pe buti kotar o komunitetya roma, ashkaliye thay ejiptasya sar ispatinena o intervistime jene kotar o ver verune komune si ani buti ano servisya, respektivetetya ano kompaniye e shusharipeske ano komune kote evolvirisale o interviste: **"O komunitetya centralipeya si ani buti ano servisya."**

May baro gendo ano N.P. Qabrati". Kotar o komunitetya ani Ferizaeski komuna, ano publikuno sektori, may buderi kola si pe buti si ano sektori e shusharnengo kotar so trin komunitetya: " Som jene akale komunitetyengo si centralipeya pe buti ano sektori e shukar adikeripesko thay higiyenako e obyektengo thay publikune buhlipaske thanengo, saday yekh tikno gendo olengo si ani buti sar ofiserya ani Komunaki administrativuni struktura".

- 5) Save provizie manglape te lel e rashtre kay te laqarel o leipe pe buti e som jenengo e komunitetyengo roma, ashkaliye thay ejiptasya?

Kotar o intervistime dizutne provizie manglape te lel e rashtre kay te laqargyol o leipe pe buti e som jenengo e komunitetyengo vakerdilo te oven buderune thay sar ayekha ini butdimenzionalune thay te oven supsatncionalune, sherdipea e rodlaripea kay **"E rashtre manglape te vazdingyola ani demokrativuni baza kote o komunitetya tretiringyona ani bereberuni forma thay bizo diskriminipe, vash yaver sar rashtre odoya ver si te kreirina komunnitetya kola na ka ovelolen shaibe te kontribuinen ani rashtre thay si te oven problemi pe avipe",** odolestar **" O instituciye manglape te respektinen thavd po thavd obligipya lele thameya e aprovime thamencar, te kreiringyon kondiciye bereberune vash leipe pe buti e sakole dizutnesko/ako ani Kosova, inkluzivipea ini e komunitetyen".**

Sherdipeya ayekha te kerolpe buti vash inkluzia e komunitetyengo, thay yaveripya e shaipyengo odola diskriminyune sar kotar o skolake banke, ano kova suro vakerdilo: **" E rashtre manglape te kreirinel may shukarne kondiciye may angle ano puqipe e skoluipesko kote o sikavne na diskriminena e qhavoren sar tikne thay te ne meken te vijainen yekh**

indiferentni phud", ani forma kay e edukipeya thay formiripe e terne generaciengo hako ano profesionaluno edukipe thay gatisaripe e kuadrenge te na sikavgyol sfida ano avipe sakana akana, kote ovela rodlaripe sar si pe avipe **"Te phravgyon o skole vash o bare, te len kotor ano siklipe e zanatyengo, te dengyol olenge shaibe vash te aplikinen e proyektyencar, te kuven pi buti ano marketya thay profilya e vazdipyengo keripeyango e obyektengo".**

Ani forma kay te lelpe kan vash realuni situaciya e bukyarnengi ano civilyune servisy e thaneske yekh e intervestimi rodela kay **"Sherdipeya te ovel rodlaripya ano instituciye thay te jangyol o qhaquno gendo e bukyarnengo kotar o komunitetya thay palo odova te lel on akciye konkretune kay te pergyon akala kuote thay te lel on pe buti o som jene e komunitetyengo, ano kontripe te cidinyon vash o sebepi kay na respektingyona".**Yekh ayekha formako rodlaripe shay te decisinel klaro se koya manglape te ovel e agenda e civilyune malipesko thay institucionalune mehanizmyengo vash adresipe e puqipesko e inplementipesko e kuotako thay angloaqhavipe olake qhelelevastipesko kotar o komunitetya kola na si kotar akala etnikune grupe, sar kay ini sikavla e dosh/dar vas akava fenomeni yekh kotar o anketimo: **" E rashtre te dedikondingyol ano inplementipe akala thameska normako thay te efektinel ano monitoripe e leipesko pe buti thay na olako ushkavipe kotar o dizutne kola na si kotar akala komunitetya, vash o sebepi kay si surya kana on khuvna pe buti ano nav e komunitetesko ini kay na si komuniteti".**

Ano than na si yekh rodlaripe upral o moldipya e bukyake tregosko thay profesie/edukipe, kola si may rodlarde thay sigurinena inkluzia e savore dizutnengo ano bukyako trego, leipea kotor ini e

dizutnen roma, ashkaliye thay ejiptasya. Nasipe e yekhe stratejikune planesko e leipesko pe buti thay identifikipe e moldipyengo e tregosko e bukyako ano ponj yase desh avutne bersha, janglarla o mangipe e komunitetyengo vash migripe avri e thanestar thay dekuraynena e ternen thay o terna e savore komunitetyengo, inkluzivipea ini odola kotar o komunitetya roma, ashkaliye thay ejiptasya, kay te na luyaren poro skolupe.

Yekh aseceso kova dekurayinla o familie e komunitetyengo kola na silen statusi e riirandengo si centralipeya o fokusi e programyengo vash olengo riintegripe ano malipe, sheya koya holakerla thay kerla skeptikuno upral olengo decisipe kay te na migrinen avri e thanestar, te sine sar nasipe e shaipyengo vay decisipe e tromale mangipesko/khefi.

- 6) Kobar arakhna than vash leipe pe buti ano privatyuno sektori?

Inkluzia e som jenengo roma, ashkaliye thay ejiptasya ano bukyako trego ano privatyuno sektori upral o Aktivune Privizie e Bukyake Tegosko¹³ siton kotar o may sigune forme olenge inkluziako ano leipe pe buti e sar procesi phiravgyola kotar o raynaluno Ofiso vash leipe pe buti ano ledeipe e organizaciencar thay evolvirime internacionalune ajenciencar, ji kay ani Jakovaki komuna reslilo te kreiringyol ekstra ledeipe e Ofiseya vash leipe pe buti e Ofiseya vash komunitetya thay iranipe, resipeya kay te ovelolen 14 jene pi regularuni buti kotar o komunitetya roma, ashkaliye thay ejiptasya, thay trin riga e Aktivune Proviziengo e Bukyake Tregosko. Yekh ayekha formako ledeipe efektingya kay ani akaya diz te kreirinen komunitetya biznisyencar kola piravgyona kotar o som jene e komunitetyengo, sar ayekha ini prezentinena ini ekonomikuno zoralipe thay potencialune vash leipe pe buti e bukyarnen, praktikantya kola si kotar o

vijautne e skemengo e Aktivune Proviziengo e Bukyake Tregosko.

Bizo diferencia kotar o komuniteti e biznisesko ani Jakova, kola si putarde thay shukar ajukerna e bukyarnen kola si kotar akala komunitetya, yekh ayekha shaibe na silen o rodlarne bukyake kotar o yavera komune sar odoya e Mitriovicaki, Fush Kosovaki thay Ferizayi, sheya kola konfirmimena o reprezentya e civilyune malipesko, aktivistya thay institucionalune reprezentya ano olengo jevapipe phanglo akale puqipeya, phenipeya kay: **"O komunitetya si pe buti ano privatyuno sektori , shukar hema o kondicie e bukyake na si sar manglape sar vash savore yavera komunitetya"; "Kana si o lafi vash privatyuno sektori si hari may potencirimo kotar o terne kola kerna phare fizikune bukya. Ayekha sar leparyam may uqe, som jene akale komunitetesko na si ani buti ano biznisya/privatyune firme. Olengi buti kerna numay pe specifikune individya kolange manglape te agorinen o khereske bukya"; "Leipe pe buti e som jenengo kotar o komunitetya roma, ashkaliye thay ejiptasya na si yekhuno sar vash o som jene e yevere kounitetyengo. Akala komunitetya silen may buderi sfide. Ano privatyuno sektori si anglokrisuipea vash olengi kultura thay mentaliteti".** Ayekha formake prastavya ispatinena kay o kondiciye vash leipe pe buti e som jenengo kotar o komunitetya roma, ashkaliye thay ejiptasya ano privatyuno sektori si ano karakteri e indirektyune diskriminipesko koya efektinla ano marjinalizipe akale komunitetyango ano malipe. Ayekha formake elementya si sikavipe e stagniripesko e evolviripesko e demokraciako ano than.

- 7) Sar variabluninena efekti e socialuna asistenciako ano (na) leipe pe buti e dizutnengo kola avna kotar akala komunitetya ?

¹³ Rr.(MPMS) Gn.01/2018 Vash o aktivune provizie e bukyake tregosko <https://gzk.rks->

Socialuni skema si faktori sebepi-negativiteti ano amaro malipe vash i forma thay olake kriterya e aplikipeski. Sar ayeka kritikingyola kay te takyaren o familie kotar o komunitetya kay te vazden o gendo e biyanipesko e qhavorengo ano forma kay te pheren o kriteri e vijaipesko akale ashutipesko. Na siguripe ani buti, ano surya vash leipe pe buti, tikne pokipyay thay tikne shaipyay vash te arakhen buti ano privatyuno sektori, ayekha ini seraylaysale yekh kotar o faktorya kay o familie kola avna kotar akala komunitetya silen may baro gendo e vijautnengo e socialuna skemako:

- 1) ***"E socialuni skema efektinla ani specifikuni provizia vash leipe pe buti, numay akava si kana si o lafi vash o bukyake thana e tikne pokipyancar".***
- 2) ***"Numay kana si o lafi vash socialuni skema gendinava kay kerla e familien umlavde kotar o dive ano dive vash o sebepi kay na kerdilo but buti kay te irangyon kotar e socialuni skema ano leipe pe buti.***

Buderi e komunitetyendar kola lena socialuno ashutipe na kerna buti kotar e dar kay te na aqhavyol e socialuni asistencia, saday na silen siguruni lugoperiodikuni buti, feri so e buti kola ola kerna si may buderi sezonaluni"

- 3) ***"Ano suro e decisipeski vash buti si te cidigyol olendar o socialuno ashutipe thay nashti te lenpe e yavere aktivitetiyencar kola shay anena may buderi lovyune theripya sar si kedipe e materiyalengo, sheyengo e duyte vastengo vay kola sine vastime-purane."***

Ani forma kay e situaciya te yaveringyol, sugeringyola kay e rashtra te len konkretyune bajakya/hademya ano laqaripe e hakyengo thay bukyake kondiciengo vash o bukyarne ano privatyuno sektori. Ani akaya forma shay te evolviringyon ini o komunitetya ini e rashtraki ekonomia, ayekha kay te dengyol profitabiluno reciprocialuno kontributi.

8 Agoripyta thay rekomandipyta

E kuota vash leipe pe buti e komunitetyengo sar provizia vash siguripe e bereberuna inkluziako e savore komunitetyengo kola jivdinena ani Kosova, e kola si penjarde kotar e thaneski Konsistuciya, sila but tikno implementipe. O faktorya vash ayekha situaciako si buderi thay yaverune sherdipeya kotar: 1) Nasipe e ekonomikune evolviripesko thay e sahostardi situaciya e bizo bukyaki ano than, 2) Buderune pharipe ani administrata e thaneski, 3) Privatizimo e malipyenge instituciengo, 4) Politizimo vash leipe pe buti, 5) Nasipe e profilizmesko e kuadrongo, e ulavde aspekteya pe grupa e phuripaske bershengi pederose 30 bersh, 6) Anipe pharipe e fokusesko e polikanyengo kotar o obligipe e peresipesko e rodlaripyengo, moldipyta kola thavdna kotar o dizutne odolestar rekomandinyola kay:

- 1) Te lelon initiative vash yaveripe e kriteryengo e socialune skemako..
 - a) Buhlaripe e phuripaske bershengi e qhavoreshko, sar kriteri e vijaipesko e socialuna skemako.
 - b) Te bayargyol e suma e socialuna skemako, kombinime e bukyako ano shukaripe e publikako e limitime oryencar e angashipesko. Yekh ayekha formaki praktika si te efektinel ano kreiripe e eksperencako thay te bayarel o potenciali kay o vijautno akala skemako te khuvel pe buti.
- 2) Te kreiringyon may shukarne kondiciye vash leipe pe buti upral deipe e may bare gendosko e ver verune grantyengo, siklipe ani buti thay subvencionipe ano pokipe/ayluko.
- 3) Vazdipe e rodlaripesko e kualitetesko e implementipesko kualitativuno e Aktivune Proviziengo e Bukyake Tregosko.
 - a) Qhinavdipe e dendebukyake e adikeripesko e bukyarnengo kotar o komunitetya vash yekhuno vahteski periula vash kolaki subvencionisalo o pokie/ayluko.
 - b) Tromalipe kotar o takse vash o biznesya kola lena pe buti e bukyarnen kola avna kotar o komunitetya roma, ashkaliye thay ejiptasya.
- 4) Deipe lovune bangipyta e vijautnengo e Aktivune Proviziengo e Bukyake Tregosko, dendobukyako thay lelobukyako ano suro e evidentipesko e lekenipesko vash leipe e lovengo kotar o Provizie thay na ovipe pe buti ko alosardo biznismeni.
- 5) Inicipe e rodlaripesko kotar o konsultativuno Koncilo vash komunitetya vash ikalipe e ekstra regulako kotar o Sherunoministri vay Ministria e Administratako thay Lokaluni Guverna vash implementipe e kuotako kotar 10%, respektivetetya balansipe e reprezentipesko e komunitetyengo ano avutne konkursya.
- 6) Te yaveringyol o thami vash politikuno reprezentipe ano komunaluno niveli, na te aqhol 10% e komunitetyengo ano raporti e buderunengo odola komunako, saday te len hako vash politikuno reprezentipe komuniteti kova sar si pe gendo seralayngyola sar o duyto komuniteti ani sera ani komuna.

- 7) Te arakhlol forma vash leipe pe buti e som jenengo kotar o komunitetya ani komunaluno direktoriati, may hari ano odola umalya kola si targetime e Strategiya (buti thay socialuno prosperiteti, edukipe, sastipe thay infrastruktura). Leipe pe buti e som jenengo kotar o komunitetya ano shtar sektorya si te ovel yekh iranipe olenge phakyavipeske ano instituciya thay hademi/bajako direktno e siguripesko e bereberune ascasesko na na diferencepe ano publikuno shukaripe.
- 8) Te avokingyol orgentipeyaano leipe pe buti e som jenengo kotar o komunitetya roma, ashkaliye thay ejiptasya ano siguripasko servisi ano than, misal.Kosovaki Policia. Teluno reprezentipe e som jenengo e komunitetyengo ani Kosovaki Policia sikavla yekh indikator kova vakerla kay o instituciye thay olenge phiravne na godinde inkluzipe akale trin komunitetyengo sar yekh sasavutni komponenta koya kontribuinla ano shukaradikeripe siguria thay rendo e thenesko.
- 9) Pasharipe e shaipyengo vash praktikuni buti ano lokalune instituciye thay odola centralune: Komuna, skola, hospitalya thay saslaripaske centrya.
- 10) Avokime inicimo kotar o civilyuno malipe vash inkluzia e pherdegodyake e bukyake ano rayonalune Ofisya e leipesko pe buti sar si ini dikhlardo ani Strategiya vash inkluzia e komunitetyengo ano kosorvaryuno malipe 2017/2021.
Ani forma kay te siguringyol naadikeripe e rigako ano akava procesi, manglape te reslol lekanipe e rafinesko e organizaciengo e proyektesko KOSINT 2020 ano ledeipe e Ofiseya vash shukar guvernipe thay Agencia e Bukyaki e Kosovaka Republikaka.
- 11) Te vazdingyol o korkorojanglaripe thay angashipe e komunitetyengo vash yaveripe olenga situaciyo ano umal e ekonomikune, edukipaske, politikune evolviripesko.
- 12) Evolviripe e politikyengo e implementipesko kola silen ano targetipe evolviripe e komunitetyengo ano misalipya ekonomikune thay stabilune.
- 13) Te ashutingyon o organizacia e baza ano komunitetya ano vazdipe olenge kapacitetyengo vash mediyacia e komunitetyengo ano leipe pe buti (ulavipeya ano komuna kote na si olengo reprezentipe ano civilyuno servisi thay odova politikuno).
- 14) Te phikodengyol o vazdipe e kuadryengo, terne thay terna kola avna kotar akala komunitetya te vazden o eksperiencie thay olengo profesionalizmo inkluzivipea ani menajiriyaluni buti, andripaske thay dikhlarde (e vizibiliteteya) vash o ver verune grupe e intereseske.
- 15) Promovipe thay stimulipe e suryengo e suksesesko e leipe pe buti e som jenengo e komunitetyengo. Yekh ayekha formaki akciya si te efektinol ano yaveripe e imashesko thay phanglipe e anglokrisuipesko kay o biznisi thay buhlo komuniteti shay te ovelole vash o komunitetya roma, ashkaliye thay ejiptasya.
- 16) Promovipe e biznisyengo e komunitetyengo ano ververutne proyektya kola targetinena o ekonomikuno zoralipe e komunitetyengo roma, ashkaliye thay ejiptasya.

- 17) Laqaripe e kondiciengo e bukyako ano privatyuno sektori, pasharipe e sastipaske suguripyengo, kontrole upral o regulipe e kontartyengo thay theripe e sheyengo vash i buti. Vazdipe e kontrolyengo kotar o ispektoriyati vash i buti, ulavipeya ano bukyake thana kote ovela buti ano vazdipe e obyektyengo.



ROMA INTEGRATION 2020
Regional Cooperation Council

TEMATIKUNO RAPORTI

RESPEKTIPE E KUOTAKO VASH LEIPE PE BUTI E SOM
JENENGO KOTAR O KOMUNITETYA ROMA,
ASHKALIYE THAY EJIPTASYA ANO PUBLIKUNE
INSTITUCIYE

